

朱太復乙集

朱太復乙集卷之四

五湖朱長春太復著

詩

五言古詩

壬寅 計七首

早春六首

萬物沐膏雨生氣良以滋  
白日上東維陽和無不  
施徃者枯槁物一旦舒光儀  
上天布至仁受氣會  
有宜晨出發中田攬觀物化時  
原隴發柔莢英英

吐新姿薄言采微芳無傷造物慈同生天地中悠  
悠樂春熙一

陽德鼓大鈞六合無不熙天地交訢和况于含生  
微白日出照耀時雨未及斯噓吸嫗陰陽晝夜無  
停時有氣各萌生不知施者誰我有故旨蓄須以  
待樂茲攜觴涉河臯登浮山以嬉四顧何暢然心  
與萬物怡黃鳥初受聲交交鳴桑枝樂子與盤桓  
相遲如有期二

天地有大德日月環相循冬往春復來斗柄回初

紫雲風一吸吹萬類何芸芸伏蟄以昭蘇區萌  
且榮融融俯仰間一旦熙登春柰何生為人一槁  
不復新夫乃靈氣汗役役自離真上天弘覆露大  
地為施承一自絕根株誰為受含生仙人三神山  
不死者何人三

玉壺盛美酒金盤雙鯉魚有客遠相存要我城南  
隔春華盛敷榮白日何徐徐及此不盡歡百年良  
為虛幸無他異人斟酌聊與娛素琴從錦瑟一唱  
和相于何必歎知音同心保無渝結束騫聲名泥

濁傷吾軀富貴不如貧昔人亮非迂

四

佳人生南國容若桃李鮮當春盛儀容采芳涉江  
千攀花竊自比盛色無長年願言託東風吹花寄  
所歡所歡終不來花落誰為憐

五

來日日以短去日日以長當年及為樂飲酒須盡  
觴南陌桃李華春日方載陽行行逐嬉遊涉川且  
牽裳幸際晏無事四體康復疆車馬紛紛來相醉  
若溪傍仰視樹上花灼灼無久芳

六

晨坐脩竹間

晨日照脩竹霏霏布容暉微風來其間動搖清歲  
蕤何以方以之清川生連漪垂陰下庭除長夏無  
炎曦誰能居此顛清蟬冠綏綏長鳴厲重霄鼓翼  
軒復舒乘風颺宕之霍落天宇希主人倚朱梁張  
絃良未揮莫樂靜者餘天地安足遺

癸卯

計六首

春雜詩五首

百鳥知有時春至鳴自佳上下脩竹間芳晨聲啾  
啾明霞燭其羽軒軒何榮懷我行罷朝盥廣步周

除階日出東南隅欣欣何熹熹一

美人出江南被服生芳澤方春涉江臯盈盈遲朝  
日獨立對芳楸臨流理清瑟柔指揚音和聞者皆  
歎息此曲出空桑流傳豈多識帝女不可期知音  
難再得仰望倉浪天心絕愁自抑二

震雷初奮時霍若天地鳴雲雨作欣合萬物咸怒  
生蠕蠕蟲戶啓如晦重得明一往還一來既倅得  
營營陽光以熹耀陰氣何凝凝栗栗復塗塗肅肅  
雪與冰我觀造化運消息有至仁富貴誰能常驕

者自使傾春盡彼無知天天以盈盈三

新為遊子服白雪裁齊紈交袖紆長裾左右安王  
環盈盈榮文馬灼灼桃花班東風遲白日照耀何  
續翻千金買美人百金具一良時至為樂但醉  
不愁還山中有薜荔不可縫為衫谷中女蘿絲不  
可繫馬鞍少年能幾時虛名亦徒然四

相逢南陌頭下馬折垂楊東風吹河臯百草齊以  
芳桃李初作華盈盈照路傍家人從何來垂手漸  
羅裳同行涉青春獨自中悲傷十載嫁夫君三朝



離故鄉年年對花期脉脉還空房

五

王時立至玄栖

斗酒奠尺盤中有雙魚頭不腴  
草野物與子申綢繆平生古歡人  
病患成阻脩相對忽皓首動別經  
九秋携手川上山可以樂嬉遊我  
有鼎中芝其味勝百羞素人傳我  
方茹已登玄丘將子無能來曰月  
條已適幸今樂且樂達命當何求

甲辰

計三首

同客放舟玉湖集飲小山

內弟盧

涉川汎方舟芳艸緣臯陸携手同期人願言晨采  
綠有酒集賓婚平生意相屬中春天晏溫萬物榮  
膏沐良時遲景光斟酌聊可續百年信行樂何苦  
自拘束行行極夷猶日暮聊止足

贈水部樂予拙

過集隱谿

良時不可期有酒對斟酌別會誰謂長患難思離  
索一去國十年風波阻如昨幸保歲寒心枝條未  
榮落明月照河臯庶星列如錯何用表相知高山  
為君作請看天漢流首尾亘相薄但飲復何須吾

生達為樂

遺茅薦卿

昔者風雲隔今者居里連攜手何難期會面動經  
年人生苦契濶相對衰容顏久別如新知婦子遽  
喜歡斗酒治鮭蔬中饋慚不鮮豈曰厭糟糠聊以  
永晏言三挽不一苗褰衣良惘然君行上青雲僕  
當守中田雲泥未可即故愛誰能捐為誦角弓詩  
悠悠難可傳

雜詩

人生寄天地陰陽隨轉移  
及時爲樂何用常苦悲  
暮春時雨過萬物皆潔齊  
出門循原臯林氣沾我衣  
終日行采芳不知遺者誰  
所願樂不違富貴非可期  
安得同心人攜手相與嬉

鳳凰吟

鳳凰寧苦飢不食凡木食烈士寧苦貧不爲希世  
澤環堵方一區蓬蒿生四壁父母不宿飽何言妻  
子泣名實無兩全人心不如一同席伊何人鳴鐘  
陳鼎食風飄不終朝日及不終夕霜雪歲寒時然

後見松柏

乙巳

計三首

得趙仁甫書問

客從東方來遺我故人書書中列八行盡道長離  
居副以海上錯對蝦比目魚蝦以表相接魚以志  
相須問者十五年情款良不渝各各滯田間奮飛  
何能俱安用報相思篋中無瓊琚脫婦機上作織  
素一疋餘四幅潔無瑕裁縫可為襦願子賦救芳  
同袍古所如

寄桐汭李寅中

高谷何逶迤入山采薇芝與子有成言漸車行何  
遲三月日載陽倉庚鳴以時豈不懷悠悠擁被當  
何之譬如雲中鴻無翼難奮飛中庭有崇蘭堪以  
喻芳儀盻視見光容將遺遠者思各各保幽貞同  
心豈遐遺將子無能來素秋以為期

丙午

計四首

白日出

東方起未明白日出以忽被衣廣微步散髮未施

櫛庭寢周掃除燹汲一時畢披帙對晨明徐歌理  
音節仰首見青天悠悠使心悅流雲適以空高鳥  
去何疾脩竹三五叢蟬鳴何歷歷所止靜以安飲  
息皆可適日月無停陰萬物有終極富貴何益人  
營營使生迫

鷄始鳴

陌頭鷄始鳴啓戶噦欲旦起視天蒼蒼晨星高有  
爛庶宿不成行落月下如綫凱風吹自南人氣徐  
以善會心聊欲歌一往不成變嗷嗷百鳥啼越越

林木燦白露收塗塗日出何澶澶天明日照人  
者自成眩碩彼羣物情熙熙以燕燕高霞貽我餐  
川廣清可漑

駕部郎沈大朝煥訪道隱谿有贈

今日出斗酒樂此新相知惠然枉前綏越國若有  
期何必投分深臭味合有宜在貴苟不淄廓若浮  
雲移碩慙無樂餌止客何慰饑青青徑邊竹宛宛  
叢葭涯芳草良可歡欲贈難為携三酌飲不言造  
適聊須臾人生見三光昭昭無已時



谿上納涼通夜

清川多遠風葭莢澹相發大火流始西天漢耿可  
絕塞裳行無梁欲濟難為涉四顧發長歌音高響  
誰答廣焚以蕭蕭微波激如越但覺欣會心不知  
向誰說平生憂樂情廓與群動滅彷徨夜向艾鞅  
掌歌亦闕落月下河際明星登木末落落鷄三號  
東方盡已白

丁未

計八首

春興二首

日月何昭昭而不相踰我行亦有常被服晨出  
庭看風以濯漫漶年數且愉玄鳥來翩翩相命謀  
其居萬物各有私四時相迫驅生幸無營多動止  
樂有區采芝上山頭投竿下臨魚

登春山巔草才敷靡靡榮華何與人使我心適  
意黃鳥何交交調歌命儔侶遲遲熙白日載行復  
載倚不知何方來憂思忽中起寸心成轉轅萬物  
為逆旅有情自生患世事迫難擬冉冉老逼人浮  
生竟何處

僊老詞為藩伯李夢白使君雙壽進酒題

冊

有何僊老人僭耳垂領白言從三山來下謁九州  
伯左手傾玉箱右探藥兩粒主方金簡編鳥跡秘  
服食中夜一孔神虛室萬靈集注彼斗沆漿和之  
石乳液晨興候凌霞三嚙寅日出踵息上還精腦  
滿髮長黑持此奉高年齋心密無失皇皇紫金章  
下拜受言畢上堂稱介觴長跪進拱壁貴爵人所  
榮生壽夭所益椿是大年期堂是陵霜質親承仙

人贈雙健書

贈同年樂水部予拙飲中詩三章

仲客郎同

集并贈

酌君斗醴酒相對言古歡  
山中隔芳草離會良已難  
白日未即晏淹留亦何歎  
當世論相知誰披膽  
與肝雄劍舞為誰清琴相與彈  
微音足自珍識曲非所患  
虛貴矜一朝不如隱盤桓  
我志在山水悠悠良自寬

江渚鴻翩翩載飛爰載慶  
處處者冥青雲飛者厲儀

羽翼鳴聲邕邕求友詩所美黃褐身小微凌風不  
能舉一墮籬棘間盤桓宛如許啄飲既匪多至樂  
不在取天風俄搖搖衆鳥悅栩栩誰當冲霄奮  
獨絕儔侶

生世履不夷誰能無念故與子出國門晨風迫行  
路日月何昭昭上天霹靂怒餘命回須臾歲星周  
已布何用人運悲世道以舛互一行涉江來四海  
半朝露幸且幾相見兒子侍行步生常惜往日老  
已漸遲暮揚杯仰北辰淚落如河注七尺無相忘

平生一思思

雜詩

上天始曰旦，明霞漸以高。  
逶迤發容光，照耀戶上茅。  
我行亦何期，望望如東臯。  
雲衣攬晨華，薄言茹終朝。  
所思有遠人，可用常瓊瑤。  
忽忽誰將遺，目絕心為勞。

懷人

良時不久，倏撫柱生慨。  
懷人命，迫有役，會面安可常。  
忽若經天雲，相失各一方。  
歲月駛，相駢少，壯成朱太復乙集不請卷之六

十一

柱上集

老蒼安得如園花春風吹以芳燁燁山中芝照耀  
白日光戎有服食方欲致無可將采采衣袖間脉  
脉道路長

送水部茅薦卿行河使者之官五章

稿逸

查補丙午

名馬出水中奕奕生不羈少小登天關逸足躡浮  
雲驅馳當及時日月如轉輪仰觀王良駕天棊列  
成文千里不褻驅何須伏櫪思驟驟征途間徒為  
游子塵朔風寒蕭蕭班馬不可聞壯齒日以長雄

心苦難振欲為飛龍吟隨風行送君一  
與君攜手時生而曰方期猷業未相效天命難可  
為遠駕一以說中道何徘徊春華榮不長搖落忽  
而摧送子涉長河秋風以淒其百草畏初霜颯然  
靡欲裏受性在陰陽四時冥以移長生日冉中僊  
人今者誰身名與親親年遠良可思二

天運與人俱息息安有終愚者行盡馳達者游無  
窮古來得道人葆真反其童陵虛難壽期衛生用  
其冲昔我卧山阿子方厲雲中雲霄以翩翩枯槁  
朱太復乙集不詩卷之四



非佳客去住更十年盛衰如反風人非經天日一  
下不復東海水薄尾閭逆挽難為功三

功補以靜然卻用得休老善者杜有機歸根苦不  
早老氏戒益生慈儉為大寶血氣本異形藥物餘  
枯草性酷偏陰陽驟盛傷吾道自來生坐享富貴  
驕不保內熱思飲冰不如息心好誰謂軒冕驕  
營自生擾仙人東方生大隱亦意表四

表重見江河使若居上頭身異臨秋水衆行泝方  
舟昨者沸其魚負薪役不休排鑿幸告成民宅未

降丘所貴申明德仁親維安流神哉萬福同可慰  
蘇子憂河水何洋洋漸車何悠悠上善利不爭與  
道合恬遊金隄防一縷習坎象可求

五

朱太復乙集卷之四終

朱太復乙集卷之四終

朱太復乙集卷之五

五湖朱長春太復著

詩

五言古詩

傷逝詩二十首

有序又小序

余以養傷閉關三歲虛室坐忘中無營營  
世塵之想或有落落風雲之懷記十七年  
中故人師友奄忽淪喪過十半矣我

國家當盛際獄神之降會重熙豐水之詒

應運名流卓然三立以予仕淺所及事友  
亦不乏賢要散樸為器官人如木三去之  
用取長九徵之品論定各以皇皇奕奕世  
選官能矯矯翩翩國華民譽或品高社稷  
之臣或名繫蒼生之望或天表金玉之儀  
或世幹風雲之厲或清標露飲之蟬或直  
抗朝鳴之鳳或希陽春於郢中或竊風流  
於江左或俠節振於烏衣或雄風卓於華  
胄固亦標為千人之英蔚在一時之選也

然而始終隱顯之更都已貴賤生死之見  
或閔獨知或流多口或間臺觀或沉井石  
或逆批龍或驚嚇鼠或楨幹未究其材或  
瑜瑕一掩其玉人既抑德於位天又奪志  
以年傷哉夫馬駕末路人材晚成營星不  
落安知六出無成殽尸未封誰信三敗能  
贖所以哀王家之先隕吊楚客之大招上  
歎云亡下悲無與人倫頗關道喪我輩政  
在情鍾者也粵自辛卯馬瀛滸先生迄于

丁未茅薦鄉凡二十君引以論贊系託此  
歌人畧括其一生詩各成乎五韻取銘之  
義稱美比諫之善曰類誼雖注於私恩品  
必衡乎公議庶乎微文有當實錄不虛寫  
照傳人神按圖識駿骨寄情長咏可當聞  
笛於隣家有感斯文或廣流傳之者舊云  
余嗟乎間氣不常人材難得靈心天地之  
秀氣寶物神明之護持出則龍光豹變處  
亦川媚山輝觀犧尊之斷棄失性雖同委

玉瓚之黃流將無傷世乎自古豪傑不遇  
哀時歎白駒悲窮鳥生落落不竟其名死  
泯泯罕傳于後壯曹公之暮年疾孔聖之  
沒世可傷哉不少矣安得不史頌攀龍附  
鳳之聲騷寄招魂惜誓之感哉夫國爵天  
畀之君制之榮名人貌之世定之士為知  
己人相知心孔子曰聲名不彰朋友之過  
也記曰爵位相先久相待也此皆為生人  
言之也子產遺愛之評子皮為善之哭此

一死之見交情乎抑三代之存直道耳是  
以歌伯鸞思友之吟因識人倫之重咏子  
美八哀之什益信論世之不可誣也此豈  
琴在驢鳴區區人亡物類之嘻噓哉上惜  
天地之精英下惋人代之屯否明標一世  
之大節陰闡寸善之幽踪近按之當年或  
不阿遠垂之後世可未死作頌清風則吾  
何能微文釋史庶有竊焉耳

用選體

大學士對南王相公

家屏



相一品二業

今上時江陵業不可泯以品無如山陰  
公正風紀表公廩以澄天下肅如也為  
建本疏黜六科長持

旨不下

上怒謝去小吏受國士期閣中一揖間  
山中誰招九京如作知己已矣蒼生當  
如安石何寫高鳴表高山焉嗚呼公以  
官護諫臣後乃欲殺言事者

主仁三易旨放還余嗟乎豈不遠哉

正色立中朝襄哉唯弼直斗杓應三象列宿回中  
極力扶重輪光氣掌上台圻一下泰階行疇當社  
稷役國士片言期永懷知己德

少司馬古林王先生

元敬

先君子授經三年高足千里竟不副也  
小熟淵源私師模楷一代清貞古人品  
竟以古不容時相乎開府吳中寄相屬  
我一生受用荊州郡縣仕路基也即少

年勉旃話言不忘饑渴終闢如何當吾  
世同吾鄉而失之負百舍哉乃兢兢美  
墻半生余

小歲熟過庭嚴公高立壁書負帳中期學淑門下  
澤標廻東海波品越南金錫初仕築徂基一言銘  
匪石生不望高山傷哉遺絕迹

總河御史大夫李及泉先生

順故吳興

太守

嚴以鋤豪廉能帥屬當年五湖間風日

朱太復乙集

詩卷之五

張一

五

植三子

肅然安可再得哉功名起于治郡明德  
不寃于行河白馬塞決勤死披髮狂走  
自稱

天子罪臣其忠過也見崇耶何冒錫圭  
者無恙耶悲弼子之歌脩甘棠之咏苦  
心哉吾師也

初學門下士

三江二千石百年治第一黃熊死見崇玄圭生未  
錫湯湯河流聲忠魂中夜泣一顧負空群終身佩  
明德原樹行人思誰當繼召伯

少司馬許敬庵先生手遠

流俗多詬儒玉卮世系所由來矣舍儒  
將何之質行白心若司馬可謂黃流在  
中與用違阨遠駕執御之過也早在臬  
味之收近數以聞先訪衛生山中賜几  
方待帶草遂絕微悲小友如太山何學  
者乃多方矣

涑水挹洪濤廣川流繁露道鐸振遺音高足廓遐  
路未克元老猶幾披青天霧君子標質心如南金

以固冥冥象罔珠謨為世誤

南太常卿子禎張公

朝瑞

壬辰廉吏之計天下服之其風行乎于  
人歟刻內行者少外略以公慷慨憂世  
則社稷之役矣假之年清倫興恥宰已  
百官其誰哉國之瘁也守浙西借司帑  
建常平二十一州縣基置十年而大殺  
不赦安在哉善法固難善守耳噫自還  
山相對一涕至今思灑如也

入山間涉江交游論時事道義社稷臣古人幾見  
余志星斗逼卿月南宗倚明德四海欽遺愛維  
桑止千里常平儲十年無救死

黎蒲天津兵憲張理吾先生 佐治鄉座  
師

弱冠受舉於乾釜下時令故障乃官甄  
如士也反用一令左調廿年落拓始以  
郡尉登上計廉吏奏方枘故難容耳天  
下知何少耶年垂暮耳壯猶方倚干城

長風忽斷萬里吁悲乎清白南金在人  
間焉

海南珠翠穴產此冰雪人清能表一酌勇足揮九  
軍白首參邊符用違生不辰世喪長城倚家空四  
壁貧廉吏不可為時哉難重陳

宮詹黃葵陽先生

洪憲座師

學士文章貴天下長春其舉首也珪璋  
國器水鑑人倫係朝野正席之望二十  
年矣掄才過九方之馬逸口中三成之



虎我輩落落何人武  
非本酬知負國士  
虛名矣竟以寄憤  
不得志每念信陵公  
子流涕也

學士金玉章知文富都雅披雲漢有丘刻羽和終  
寡奕奕玉衡杓淪精于中野國寶拔人倫衆言和  
氏假落落門牆餘踈踈傲名者

江右臬使張慎吾先生

慎思座師

石渠都雅溫樹風猷楚楚矣以長吏垣  
糾墨東中與援反噬下遷竟淹外十五

年公論安在常詒問辟穀天下真有仙人耶尋入計過家一夕燕歸卒於側室傷哉尊生也

一疏出黃門戶蘭翦為棘墨吏逸五流遷人淹七澤空然鬼孤見莫下鹽車泣皇路瘁馳驅畏途驚衽席天下有仙人誰為進拱璧

楚大叅馬瀛滸先生

允登舉主

今上盛時名御史倜儻敏練北方之豪也識小吏於顧馬託四子于登龍一死

一  
身  
對  
死  
苦  
氣  
馬

鶴立寒軒舞公綰斧下康賢一見期拔十空群  
馬卵翼鳳附漢空外龍登假庭玉託門墻師生父  
子雅情懸綰綰淚灑佩刀把丙申赴部過東光  
料其墓哭之

撫河海御史中丞鍾

化民

章經論文持斧行部故人小令笑憐病  
苦海上欲為議調一言古人中文義乎

以名中謫落臺左遷乃奉使散帑賑  
河南繪圖入奏

天子為色動嘉焉當世質心任義幾人  
乎救洛之生撫洛而死然而洛食不絕  
也談理經世稱通儒云

談深傾蓋間溫藉持斧下泥塗患難時義見古人  
雅慄慄流民圖天子淚為灑生活一方命死祝千  
年社弘略志匡時今誰蒿日者

侍御馬函一經綸

歷下論文白河問道平生四海風期第  
一經世出世並驅兩服乎小十年草三  
宿矣吾傷豐之三耶一疏籲天 三殿  
突火忠通神而不悟

主社稷臣幾何無蒿目當世乎與同心  
狂同病是年先後上書為民志同方又  
一人耳

高鳳一雄鳴十年伏馬踈天表魏難四朝宮藝猶  
際百折見忠臣千秋存諫書蘭摧國士慟琴絕知

音無世不起蒼生吾道窮奚如方怒言官按籍勾  
放兩衙五十餘人舉朝累息次日函一抗疏

陛下以天威怒羣臣倘天以威怒

陛下若何言未幾三殿火

吏部郎孟

化鯉

二十年表表清吏部孟公當前行潔標  
內行獎引人倫予計吏也先施下交今  
古一坐之談卓然國棟矣一放註誤無  
年無兇人乎天耶交喪也清議至今頌

之章元禮近疏追論請謚

湛若懸冰壺皎如揚秋月清朝真吏部標特人倫  
潔撫琴臨高山希音激白雪下交振泥塗前席論  
饑渴園嘆王家隕天傷伯道絕

給舍朱仲脩

爵

初過其邑異其治已交其人斷其心腹  
馥藜逢之蘭蒿蒿雞群之鶴金追玉琢  
君子也斥青瑣於孤忠殘黃壚而無殮  
傷哉覺吾等猶伯夷罪人矣

一書叩青蒲十年歸白谷滿地泣懷沙夫君奄賦  
鵬生不竟風雲死無殮手足遺後慙遐心揮涕驚  
草宿篋中手數行縷縷對珠玉

大司成馮開之夢禎

荀卿老祭酒天下宗之號禪喜學士受  
知南宮黃師持卷決一言予遂先長孺  
鳴託契白社嘗訪予大石言佛海浩蕩  
老矣將急吾生甫談客携去竟無相報  
耶瀟灑寄檮枝非其本懷後人狎習卒



累門戶為念東山三嘆

祭酒雅逃禪談宗振玄賞善下淵故濟同塵道能  
廣揭懷我者希世相人何妄空當解世緣寧豈迷  
身安三承秋水問竟開道遙講

給舍鄭侯升

明選

墳簞同調友也天下知真唐詩自此始  
公車二十三年而仕長矣又十年病痲  
歸嘆謂予君為長生客已亥子辟穀我  
為半死人傷乎匡衡久困士安不起竟

其才右丞嘉州亞旅耶此道元和來都  
別曲也有辨師消者起必賞之侯升不  
死

君為長生客我為半死人視榻言如昨登丘草再  
春仰天醉發歌陵雲激斯文傲言流白雪何必華  
朱軒唐風開寶間日月重廻輪

給舍華章含

絲美

以令孔道不事過賓得見推長者品可  
知矣東事亟封上不下見吾疏而壯之

力止竟一日先後放還吾累吾友耶二  
十年餘滿地懷沙沈沒豈少哉天乎謂  
之何上疏三日前夜燕曹比部卹論時  
對泣故及之

封豕辰星宇長鯨海浪掀

主憂臣借劔死諫生南遷我還候丹爐君遲閱黃  
泉指天泣中夜慄氣餘潛然古人憐同病矧余載  
同年丙子癸未同榜

水部郎茅薦卿

國縉故侍御

釋褐之下結金石厲風雲片言不負也  
既克家稱有子俗足振三吳而官不免  
一落當如濁世何脫繡娛彩歡遲回二  
十年壯猶遠阻中身早衰遂勤死官耶  
交嚴我藥石獨不受衛生鴻毛之輕天  
命而人事也悲之無與為善笑

蒿目四海豪蘭心片言結足濯世路汙氣練風猷  
烈肯構娛大年若營揮六合貌名身孰親務華德  
之末不信冥中精果然用明竭

祠部郎董伯念

嗣成

起烏衣門地之華抗白眼風流之曠方  
童飄然逐千里矣詩酒自豪陵前直上  
進阻一劒之狂退散千金之侯志大才  
疎門裏身死惜也如此人曾不得四十  
乎方難日歎曰當禮百部懺莫再生富  
貴家

大招哀江南伯念我里僑詞振尚書藤書傳學士  
聖書法于昂氣高一諫名義散千金橫人訾門戶

朱太復乙集詩卷之五

十四

衰我賞風豪競七發起論文知音激垂盡死前一  
月出詩論於昭慶歎曰一世知音也吾霍然矣○  
二門江南巨豪天下口之一子一孫慷慨水清起  
振濯足薦卿先用調伯念後用反市義竟以市害  
其用殊耶乃三吳間俗則小變也

儀部屠緯真

陰

如以犢鼻當壚折齒長嘯今才人未為  
無行也傲世余金門著作幕府長史伊  
何榮乎

聖代不容狂陵物自招忌放浪江湖半  
生賣文長貧兩悅道禪無果才不幸耶  
多才亦累耶腹笥華鋒便便捷舒錦  
懸河上下鄴中江左間文豪也

一官冥落拓四海放清狂止酒豪飲趣迷花寄蹇  
裳華文矜武庫決若河望洋白足禪津遠黃金客  
橐長詒書嘲辟穀仙佛底茫茫于戒殺緯真斷由  
予特室緯真不斷房周何故相識也不知誰爲機  
介求二氏於伊蒲鼎器將無外耶虞長孺一生淨

朱大符乙集四言身之三  
主而不特長齋昨寄書道中開之緯真兩死食色  
吾等可戒

太史王季孺萱

同門得三才長孺奇季孺華常見吾詩  
曰少陵派也我等錢劉余選君孫月峰  
公奇予館試第一曰非行貨也當我為  
之宏章博涉邁邁西清神不王而豪飲  
長夜被髮狂叫此豈善生物哉惜乎養  
其才今日公輔未能下也無年無家無



兒哀在時游矣

同調少年場李孺景道上詞橫江漢波氣溢風雲  
賞狂被髮嘯歌托寄美人想蘭莖秀早摧玉種賢  
無象邈廓太乙躔文昌閔靈爽

朱太復乙集卷之五終

朱太復乙集

詩卷之五

十六

庚

朱太復乙集卷之六

五湖朱長春太復著

詩

七言古詩

丙申

計十三首

上元前夜長洲欽公子家樂飲歌

昔聞草玄揚子雲門前載酒人紛紛又聞困津陶  
士行雙鬢設飲苗高賓古人名下無虛士今日風  
流見公子邂逅清揚倘在斯授餐投轄吾慙爾華  
朱太復乙集

詩卷之六

一  
三

宵豪家意氣深錦筵一宴直十金雕俎丹流南海  
摘鸞刀白縷中江彈吹樓石尉驕家樂歌席周郎  
妙解音燈引流蘇星爛爛舞迴巾拂月沈沈牢落  
生平江海迹虛名始望尚書筆帳中文集拈付誰  
對君却憶後車客伶人伎畢席更改為君彊飲歌  
慷慨古來華屋皆山丘唯有騷客長風流陸機文  
賦傳弱冠少年早使飛華翰明朝入洛問相見卿  
是南金與東箭

茅山吟

齊甯上宮神遊三  
君座下靈現紀事

久尋瑤圃嗜方諸晨入茅山訪道書金氣黃浮秦  
穴舊丹光白起漢封餘洞門沙閉寒泉晦甕牖松  
吹古雪疎黑虎空傳依泊舍青童不見過飈車此  
時翹首隔珠塵此夜齋心望玉宸九奏雲嗷飛廣  
樂三更芝蓋下群真似傳藥鼎龜蛇候別許桃源  
鷄犬鄰羽節仙衣行引我青鸞白鵠舞何人前身  
豈是陸沈郎久病唯宜丘壑歲寂寞玄經慙冥豹  
狹邪朱轂摠亡羊白雲自悅陶弘景黃石曾邀張  
子房明日陵雲棄官去探芝餌術傍仙鄉

張秋夜飲黃履常水部中席知陸伯生在  
便喚對酒浩歌

井中白水炊青梁堂上金尊黃酒香相逢故人且  
相醉柳枝正拂官亭傍秦箏齊瑟夜哀苦為君起  
作鵲舞煌煌寶燭照昏星落落清言慨今古偶  
然詢舊問姓名幕中喜有雲間生夜半呼來握雙  
手洗觴更酌天河傾忽憶往時初謁

帝君家太史收高第後堂曲宴鋪青氍與君與陸  
論詩篇不覺一別十五年風塵江海俱茫然陸公

頭鬢幸未變使君早秀令人羨余何為乎埋枕席  
抱書初望明光殿日月之逝如跳丸酒邊聚散心  
悵酸古人所以惜邂逅班荆命駕良堪嘆陸公老  
矣聞更愁手指城南春水溝使君沽酒莫惜裘明  
日上已臨清流蘭亭脩禊洛水遊且拚觴詠消離  
憂為公夜纜官船頭

相逢行贈吳允兆

生時不逢老泣途天下豈無豪俊徒陳王遺才哭  
草澤延陵高士何為乎我吟白雪好古早于索玄

珠晚大好菰蘆同住不相識相逢却在長安道長  
安夾轂遊貴人十年為客囊仍貧千金詞賦五侯  
北入手散盡同灰塵吳公自負有此氣平生墨傀  
無當意自稱疆項老向誰忽唱相逢絕倒地典袍  
沽酒市肥羊跨驢尋我天街傍所談頗為千古渾  
天生有意吾徒狂願為國風我奏雅願為宮徵君  
清商

天子未詔承明廬候官邸舍一事無高歌且盡新  
知樂斗酒暇即來相呼相呼何事忽相泣天吳怒

海濱封圭泥沙王人走雉譯翻催羽符急此  
壯士裂眦怒推案覆酒起楚舞軍興六年不忍  
竟國境屋停暮和撫羽林十二戍半空浙兵三萬  
安土時脈遼陽一箭間干城萬里虛尊俎台樞  
牙太微晦門噬天狼卧天鼓布衣叩心空貫虹  
帶劍歸秋雨把酒謂公歸底為眼中節俠君  
奇劍頭可以報

以主天下有事謀臣悲安能骭髀老詩篇悠悠無  
事馬蹄間班生書傭劇博徒此是古來俠丈夫



燕歌別別馬子函一

燕歌一聲壯士別長嘆登車恥流血磊柯無用即  
已矣神劍寧沉不寧折華軒丹轂非所求身棄何  
須蒿目憂風煙豺虎塞如是且保丘壑為生謀山  
中有芝林有棗采藥尋真苦不早借問東陵種瓜  
客何似看花武陵好與子相期賦遠遊芒屨一兩  
名山頭蒼龍竹杖青天浮東行入海過瀛洲訪予  
多在天台頭

天津行

天寶軍高碣石震撼鯨魚號茫然兩儀迷  
既白馬萬匹馳寒濤天津城頭掛曲虹城下舟  
檣飛秋蓬客愁不暇苦漂沒擊節北望悲回風

天子之居指顧間肘腋臣鎮滄瀛連桑田茅屋半  
板蕩龍驤虎翼何蕭然戍樓半夜吹盡角觥艘委  
爛泥沙邊前朝重屯海運口節牙久缺回風烟十  
萬島夷五歲兵不成和戰今橫行已撤秋防沿海  
戍訛傳復陷朝鮮城嗚呼去矣休憂天鎬京天保  
定萬年海靈大若護鰲極扶搖羊角威戈鋌為君

翻盡海鯨船

南皮行謝明府李正華夜泊泊頭

白楊蕭蕭秋岬古  
狗吠千家夜開戶  
歸舟落帆泊泊頭  
云是南皮大澤潁  
行人為問成安君  
父老不知漁獵所  
古驛門前月初出  
馬卒馳來訪遷客  
觴酒豆脯繫金鞍  
縣官遠致境上餐  
開緘字畫叙所以  
今我三歎中心酸  
古人班荆途路頭  
大招曲斷千年休  
况無平生邂逅好  
綢繆道主君何求  
狂物已為天地棄  
虛名却愧泥塗收  
滔滔市道翻覆間

嗟乎結交自古難  
正憶張陳泚水事  
高歌灑淚披心肝

太白樓邊沽酒行

河梁水落流白沙  
河干霜葉如春花  
獵狗秋驅陌上日  
相鳥晚掛城頭霞  
行人夜起踏明月  
太白樓邊問酒家  
酒家鑪頭細火孤  
門前鴉啼槐子疎  
客囊金盡典何物  
葛衣解去來提壺  
倦游十年三過此  
都水司空今已死  
城中郎官園榭佳  
六月曾經寄妻子  
當時嘯咏遺風塵  
落莫今為老逐臣  
班荆

自古唯知己脫劍憑誰感激人桃花開時北上舟  
城南置酒吾不留柳條欲暮南奔走繫纜悠悠獨  
沽酒天生汶水心南流慢世狂徒傲不愁昨日故  
鄉傳水潦老妻掩涕吾長謳朝廷割肉自棄走  
窮途口食何須謀有才天下人欲殺夜郎南竄蒼  
梧囚把盃邀月喚李白相對秋風舊酒樓

涼風河上漁父吟

涼風一吹天地肅搖落中林晦沙麓涼風再吹河  
沚沚汨入衣裳刺殺人兒啼女哭坐孤舟日夜涼

原缺

白鴻冥冥去天表黃雀田間終日飽天生河濁江  
自清各自有心誰可道春去秋來枯白蘋三江五  
湖吾有綸抱琴還往八千里畢竟知音無一人  
抱琴歌丁長孺雪中見訪置琴便反賞其  
興逸刺溪人不及也為歌紀之

溪雪三尺穩高卧有客陵雪晨叩戶衣裳顛倒徒  
跣出長揖昂歲豁平素手中何物綠綺琴稱歷太  
古蛇文深錦囊玉匣三十載遍走江海無知音開  
襟拂柱調朱絲偏倚白石彈采芝山川冰雪對清

肅發越林竹流參差方終一曲三歎起拂袖絕與  
主人辭出門揮手鼓枻去濯足歌中令我思

薦鄉再過漁舍對酒歌

茅生生平感慨人故逢落莫情逾親扁舟一月兩  
乘興問我釣室南溪濱升堂抗手無寒溫賓呼白  
飯主開尊庭依殘雪挂枯竹細酌對雨淒心魂昔  
賢顛顚歎醒醉學道老夫已無意煮藥偏多禽鹿  
情掩扇長嘆公卿輩君今謝病亦蒿蓬空然指心  
貫白虹救時有才無處用獨立况乃難成功清流



濁流投欲空片言殺人虎口中傷心為說曹御史  
相對血落杯中紅當時先後上書日一囚一放龍  
怒赫乾坤浩蕩七尺偉失喜翻令壯士泣南山不  
治非吾憂北關已謝江湖愁按劍入懷且收淚  
百年勲業皆雲浮浮山冰漸倚白石菰城燹艇橫  
滄洲滑暉盡為隱者供對此不樂山川羞吾尊欲  
盡興未休客船清酤滿兩頭向暮重作南湖游

丁酉

計一首

流血歌送吳六允兆遊燕

朱太復乙集詩卷之六

九

三百廿三陳

左挾龍淵右羊褐蒼茫籬頭繫舟別四方有事客  
遠遊萬里桑乾夏飛雪意氣橫行山可移不語相  
看兩心絕我已爍巒芳草人死灰世事成冰鐵尋  
常永嘯送將離今日尊前迸流血去年被 詔遽  
南奔同于踣驢出國門今年卧見子北駕白日  
望 關浮雲昏去年白羽鯨波外今年火及玄菟  
塞龍章象服竟不成牛恠蛇神倏為害當時徒薪  
憤借劍憂世不願狂言驗將懦財窮無甲兵賊臣  
未斬休輕戰二百餘人竄荒野只今 朝廷半罄

啞請纓累革竟為誰擊楫憐君布衣者昨日籌邊  
張相公奏羅倣儻蓬蒿中免置自古有心腹白手  
封侯是俊雄舌鋒智囊眼炯電天生不是田家翁  
五侯將軍識無數咲談好坐收成功記昨長安拜  
上封仰天對泣東華東匹夫肝膽有如此豈不愧  
殺甘和我我有芝園半畝宮顏保妻子安為農六  
尺未死多心胷子行早掛扶桑弓掃清滄海不受  
爵歸來結伴尋喬松

庚子

計二首

同潘生兩上已禊遊碧巘醉為遠遊歌

方袍曲笠客何來  
白雪為面丹為腮  
年踰三十歷四嶽  
杖頭半剥生莓苔  
南浮直上岫嶺峰  
訪予廼棹旅蘆中  
玉山春水落日下  
掃石對坐談叅同  
玄栖園中三秀芝  
餘不溪漲桃花時  
酒壺漁艇伴君去  
大白長嘯歸何遲  
朝來褰水泛流觴  
召得野人佐兩行  
碧巘丹澗冷徹骨  
呼君不下空瀉裳  
醉仰蒼天頰終古  
金輦玉座齊黃土  
人間石火何有哉  
白鶴青牛是吾伍  
我為君斟君起舞  
君歌黃芽我

丹府蓬萊清淺更何許  
宜冥相對不相語  
五遊履九霞衣開筭  
贈君與君期神州  
洞天三十六為予  
探密尋靈竒倘逢  
搗藥或彈棋  
赤書青鳥來招携  
吾今不寒更不飢  
遠遊千里糧不齎  
但無兩羽乘雲霓  
願寄杖作青龍飛  
三山四海行相依

秋日獨登惠山嘯歌

空巖瑟瑟木颼颼  
飛泉灑灑白石幽  
我循秋澗入古寺  
振衣落日升山頭  
山危萬丈倚天表  
上挿浮雲俯林杪  
七十二峰翻浪中  
五湖一片浮漚小  
浮

漚陵空連海裔三韓斗洲渺何際飄然清嘯喚仙  
人弱水悠悠遙可逝平蕪日下亘長霞遠薄人家  
帶白沙西挂三江通楚甸東盤九洞接吳娃梁鴻  
溪抱泰伯城五噫三讓留空名賢達從來盡黃土  
烟霞何處尋長生感茲擊手揮雲霧嘯罷長歌大  
人賦富貴于我何有哉不如痛飲山頭卧卧來忽  
已夕照冥起噉名泉澆酒醒僧鐘遠落翠松下若  
有白鶴來中亭紫瞳綠髮竹杖青冉冉奉藥過滄  
溟何當一吸生兩翼飛上鴻濛謁紫庭

辛丑

計一首

九日登萬松嶺至御教場放歌

九日山中遊事豪萬松嶺上秋風高  
嶙嶙石立插霄漢往往雲落連江濤  
我行愛此峰色奇懸厓捫葛陵天梯  
仰頭接弄白日近下視曠壤神州低  
淞江之水橫曾開富春烟樹浮天來  
表裏三吳括百越海風吹落翻蓬萊  
忽開怒石劒戟芒列如鶴顰壘如墻  
是昔龍旂操士馬于今秋草蔓初霜  
對此茫茫悵何有廓翠宇宙皆芻狗  
萬事無過盡一尊

百年近半過重九不飲山精大咲人長歌海客遙  
為友儻來軒冕竟何須痼疾烟霞成已久采秋英  
以泛秋筵賦登高而望遊仙長房以來千百年何  
人不醉菊花前烏帽山頭白衣社雄豪灑落皆黃  
泉綠酒年年白髮短青山歲歲黃花鮮何如丹鼎  
一圭黍却躋蒼龍入九天天上靈仙五炁始眼前  
故物千秋事錢塘潮開射弩強鳳凰山衛釣陳紫  
人寰皇攬赤鴻濛代運興亡忽焉尔城闕前朝安  
在哉江山亘古常如此



壬寅

計三首

放歌

行年暮春給事葉韋金侍御朱  
君采同訪玄樞對酒作

二客聯歌入山中一悲往曰一曰風我吟空谷走  
相和被襟列坐依長松門前鳥鳴枯柳末白日出  
照東陵東南湖水生萬網集刺船招手來漁翁槎  
頭雪白如片笠付厨縷作金羹臙臙鹿之腊如駝  
峰蘭生初滿春槽紅雖無烹肥擊鮮膳相勸泥飲  
歡相逢莫慮休餐清爨窮玉芝熬蕨為君供莫嫌  
獨醒杯錯空舖糟獨漉今何漫峴山夕日挂欲下

不醉羞對霞成虹古人鍾鼎安在哉軒冕今不如  
蒿萊太微少微齊復爾清流濁流方可哀繡衣久  
立伏馬死黃麻誰伏銅龍開記得東華夜詔下蓬  
鱗龍怒憑雷霆莫悲屈子放枯槁猶勝韓公溺死  
灰况開四海大器客一半賦鵬埋黃埃憂時撫壯  
有時用時宰徒使身摧頽何如養生米入林九轉  
丹鴻成黃金方瞳僊耳下騎鹿人記陰符假制禽  
不衣不食不知歲眼青江海看浮沈五湖歲並老  
賣藥江東步兵秋采蓴必待功成退身去紅顏咲

殺白頭吟請看鴟夷泛舟者未識巢由洗耳心

古相知行

酒中歌興王大陽七吳大

東風吹海日揚華江南楊柳齊作芽春皇有意好  
山水先到五湖隱者家家抱餘不數間屋仰見青  
山俯池曲十年種樹成長人一片梅花白如玉朝  
臨芳樹歌徘徊忽然會心有所懷入厨向婦謀所  
具有一斗酒雙鱸腮出門果繫船在碣不速之客  
三人來貧賤之交要不忘呼兒着衣拜兩行掃花  
箕坐古竹底白眼相視無肝腸取琵琶鼓作谷鳥曲

坐聽一行揮一觴炙手翻手何足言成筭成錦古  
已然得時朱履滿堂上失勢黃雀張門前與其五  
簪傲五鼎不如一醉當壚眠不能躍馬千金裘不  
能磨刺千諸侯進不懷沙哭傀壘退羞阿堵管持  
籌經年一衣日不爨坐不窺牖行天遊世大笑我  
塊如木我于世亦漠無求罷官田薄秋入餘收秫  
十斛酒常儲婦子攻苦客聚潤聊復舉大麋相饋  
請為毫宦試屢舞莫愁鷗鷖行出沽幸無竹林敗  
俗物好醉高陽舊酒徒憶昔投袂紅顏安二三白

頭皆老時况有疾病不相見百年何苦為歡遲世  
路無穢不足問今日富貴誠難為有暇相對一杯  
酒汗漫即是神仙期釣竿有魚厨有齋君但來飲  
來莫疑眼前交健難可持樂莫樂兮古相知

九日領兒對客山飲

雲消宇肅天晏縕水落砂青秋草湮高山來風萬  
木嘯落葉條條悽悽斷人今日黃花泛綠醴兩三舊  
客酣沉冥行觴兒子揀萸煮採藥門徒扶杖青

癸卯詩一首

折胥養傷關中九日強起登白鵲愜然懷

舊放歌寄暢

九天陽肅風日烈佳遊窈好登高節吾生狂醉幾

豪絕且沒休餐比年說初時雨上和靖山王豪類

類古仙班揮觴秉燭談大還

已亥同醒  
明師登孤山

攝衣惠

山最上頭嘯臨空澤諸峰浮第二泉間獨枕流子庚

獨上惠山萬松嶺南片月巖復過兩虞參佛筵白

橫江海同悠然

辛丑從萬松嶺歷御教場  
至聖果寺過長橋

三遊奇

狀造物妬一蹶東籬兩秋卧禹步非吾壽陵故強

臨滄弁弄煙霞九洞丹光縹緲餘三江白馬蹴秋  
沙經僧窠密道徒藥杖藍輿便老夫壯遊力疾  
索時乎我聞道中胎換骨藥苗生物紛吹息乘成  
補剝爐錘力歸來閨門重理爨萬金藥就偃爐變  
三返周天神力現折臂五斗臂三公三十年來兩  
孽鴻蟲尸血盡寧還童年年采花嘯倚楹幾年引  
足天風生千年御之凌太清太清授我延真杯紫  
萸之囊黃菊醅跨陟白鶴三山隈驂兩赤龍服帝  
威五城十二樓崑崙下視五嶽何局卑一攬天地

無成虧妻子  
敝屣胡為哉  
胡為白頭烏  
帽秋風衰

卷之二十一